

Румынь

Румыньд электрическ промышленность зугл олн-ämtн йосан эврәннь гартан авсн джилмүдин эргцд öргär делгрлт авб. Негдгч тавн джилин цагла „Электропутере“, Клемент Готвальдин нертә, „Электроапаратаж“, нань чигн ик-ик предприятияс тосхгдв. Öдгä цагт Румыньд трансформатормуд, турбогенератормуд, ик-күчтә токин тöлә аппаратс, генераторн агрегатс, электродвигатель кедж гаргъна. Шинкецтә трамвайс, шахтин локомотивс, электровозмуд олар кедж гаргъгддг боль. Электротехническ промышленность

олн-ämtнә эдл-ахун тöлә измерительн прибормуд, гем-шалтг эмндг электрическ аппаратс кедж гаргъна. Автоматическ телефонн станцс кедж гаргългън öргджджәнә. Герин эдл-ахун олзлгддг электротехническ öлг-эд кедж гаргългънд ик гидг оньг öггдджджәнә, телевизормуд, холодильникүд олар кедж гаргъгдджана.

Румынә электротехническ промышленность, орн-нутгин промышленностин, селәнә эдл-ахун öслтд, олн-ämtнә бәädлджиргъл ясрулхд ик дөнъгән күргджджәнә.